

**Nunatsinni illoqarfinni avinngarusimasuniittuni peqqissaaviit minnerni nakorsaqarniarneq aammalu peqqinnissaqarfimmi sulisunik amigaateqarneq pillugu Naalakkersuisut UPA2023 nallertinnagu nassuiaasioqquneqarnissaannik Inatsisartut aalajangiiffigissaassaattut siunnersuut.**

*Naleqqap Inatsisartuni ilaasortaaitaanniit saqqummiunneqartoq pillugu*

## **Ilaqutariinnermut Peqqissutsimullu Ataatsimiititaliap**

**siunnersuutit aappassaaneerreqarnerannut**

### **ISUMALIUTISSIISSUTAA**

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq  
Inatsisartunut ilaasortaq Anna Wangenheim, Demokraatit, siulittaasup tullia  
Inatsisartunut ilaasortaq Mikivsuk Thomassen, Inuit Ataqatigiit  
Inatsisartunut ilaasortaq Eqaluk Høegh, Inuit Ataqatigiit  
Inatsisartunut ilaasortaq Mala Høy Kúko, Siumut  
Inatsisartunut ilaasortaq Aslak W. Jensen, Siumut  
Inatsisartunut ilaasortaq Emanuel Nûko, Naleraq

UPA2022-imi 3/5-2022-imi siullermeerinerup kingorna siunnersuut ataatsimiititaliap misissorpaa.

#### **1. Siunnersuutip imarisaa siunertaalu**

Peqqissaavinni avinngarusimasuni nakorsassaaleqinerup ajornartorsiutaaneranut tunngatillugu ersarissaasoqarnissaannik UPA2023-i nallertinnagu agguanneqartussamik nassuiaammik saqqummiussaqaqqullugit Naalakkersuisut peqquneqarnissaannik siunnersuuteqartup aalajangiiffigisassatut siunnersuuteqarnermigut qulakkeerinneqataaffigerusuppaa.

#### **2. Siunnersuutip Inatsisartunit siullermeerneqarnera**

Siunnersuut taperserluarneqarpoq ataatsimiititaliamilu suliarineqartussanngorlugu innersuunneqarluni.

### **3. Ataatsimiititaliap siunnersuutiniq suliarinninnera**

Siunnersuut suliarineqarnermini tapersensorluarneqartoq ataatsimiititaliap maluginiarpaa. Peqqinnissaq pillugu ataatsimiititaliamut suliallu maanna ingerlanneqartunut tunngatillugu Naalakkersuisut siunnersuummik suliaqarniartut ataatsimiititaliamit aamma maluginiarneqarpoq.

Peqqinnissaqarfimmi siunissami sulisussarsiortarnissami sulisoqartuaannarnissaanillu qulakkeerisuusooq sammineqartumut tulluurtuusooq ataatsimiititaliaq naliliivoq. Siunissami unammilligassat eqqarsaatigalugit, matumani ilanngullugu peqqinnissaqarfimmi napparsimasooqqaajaasoqartarnera aamma innuttaasut peqqissusaannut tunngassuteqartut siunnersuutigineqartup massuma annertusisamik eqqumaffigineqartariaqarpoq, pingaartumik avinngarusimalluinnartuni nakorsassaaleqisoqartarnera soorlu Ittoqortoormiini, nunattalu ilaani nakorsassaaleqinerup annertuumik ajornartorsiutaanera eqqarsaatigalugu.

Taamaattoq suliniutinik tamanik pitsanngorsaatinillu pisariaqartitsisoqartoq aamma ataatsimiititaliamit nalilerneqarpoq, matumani ilanngullugu pinaveersaartitsineq. Aamma innuttaasut ataasiakkaat inuiaqatigiillu ataatsimut isigalugu annertuumik pitsanngorsaataasinnaasunik peqarpoq.

#### **3.1 Allakkatigut apeqquteqaatit**

Ataatsimiititaliap suliarinninnerminut atatillugu allakkatigut apeqquteqaatinik arlalinnik Peqqissutsimut Naalakkersuisunut ataatsimiititaliaq nassiusaqarpoq. Allakkatigut apeqquteqaatit akissuteqaatillu ilanngussatut ilanngunneqarput.

Nakorsassaaleqinermut atatillugu Peqqinnissaq pillugu ataatsimiititaliarsuarmut misissussallugu peqquneqareersumut siunnersuutip uumap siunnersuutip qanoq tapertaasinnaanera ataatsimiititaliap qulaajassallugu soqutigaa. Naalakkersuisut akissuteqaataanni allassimavoq, ataatsimut isigalugu peqqinnissaqarfup aqqissuussaanerani pissutsit arlallit Peqqinnissaq pillugu ataatsimiititaliarsuup qulaajarsimagai, misissuinerмили peqqissaavinni mikinerusuni ataasiakkaani nakorsassaaleqinermut tunngatillugu unammilligassat sukumiinerusumik eqqartorneqarsimanngitsut, taamaalillunilu siunnersuutigineqartup pineqartoq ersarissisissagaa Naalakkersuisooq isumaqarpoq.

Immikkoortup siullermeerneqarnerani oqallinnermi erserpoq nakorsanik qinnuteqartoqartarsimagaluartoq, atorfininnissaminnulli itigartinneqartarsimasunik. Taamaattumik Nakorsanik atorfinikkusullutik qinnuteqarsimasunut itigartinneqarsimasunullu tunngatillugu sulianik Naalakkersuisooq ilisimasaqarnerisooq pillugu ataatsimiititaliamit aperineqarpoq. Nakorsanik itigartinneqarsimasunik, allanilli peqquteqartumik soorlu nakorsat

atorfinnut qinnutigisaminnut piukkunnangitsunik imaluunniit pisariaqartinneqartunut sanilliullugu sivikinnerusumik atorfinitsinneqarnissaminnut kissaateqartartunik Naalakkersuisoq ilisimasaqarpoq. Taamatuttaaq Peqqinnissaqarfik suleqatigalugu "Peqqinnissaqarfiup qitiusumik immikkoortuini sullissineq" (Sullissinermit najoqqutassiaq)" nutarterneqassasoq Naalakkersuisup ilisimatitsissutigaa.

Pingaartumik COVID-19-p ajornartoortitsinerani Skandinaviami tamarmi sulisussarsiortarnermi unammillernerup annertusisimaneraniq pissuteqartumik peqqissaasunik nakorsanillu peqqinnissaqarfiup sulisussarsiortermini annertuumik unammillernartuusooq Naalakkersuisup oqaatigaa. Taamaattumik ullumikkut sulisoqarniarnikkut pissutsit kisitsisillu allanngorartuarnerat pissutigalugit apeqqutigisaminut ataatsimiititaliaq akissutisnikuunngilaq.

Kalaallit nakorsanngorlaat qassit ukiumut nunatsinni atorfinikkumallutik qinnuteqartarnerut pillugu ataatsimiititaliamit aamma paaserusunneqarpoq. Naatsorsueqqissaartarfiup kisitsisit paasissutissaataat Naalakkersuisunit aaneqarsimapput imatullu paasissutissiillutik:

*"2003-mili 44-t kandidatitut nakorsanngorlutik kigutilerisunngorput. Taakkunanit 23-t Kalaallit Nunaanni najugaqannngillat, aammalu 12-it ilinniarnertik naammassereerlugu Kalaallit Nunaanni najugaqalersimanatik. 44-sunit amerlanerit arnaapput. Nalunaarsorsimasut 2003-p 2021-llu akornanni ilinniarsimammata aamma oqaatigineqassaaq."*

Ilasutigalugulu Naalakkersuisut oqaatigaat ilaat suli ilinniartuusimasinnaasut, nakorsanngorniarneq ukiunik arfinilinnik sivisussuseqartarmat tamatumalu kingorna immikkut ilisimatusarneq nalinginnaasumik ukiunik tallimanik sivisussuseqartarluni.

#### **4. Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassat siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi allaaserineqassasut.

Siunnersuutip piviusunngortinneqarnerani aningaasatigut kingunerisassai siunnersuummut matumunnga naapertuuttut ataatsimiititaliap maluginiarpaa, taamaalilluni AC-p ukiumut aningaasarsiai (500.000 kr.) imikkoortinneqarsinnaallutik.

**Ataatsimiititaliap inassuteqaatai**

- Ataatsimiititaliami amerlanerussuteqartut Inuit Ataqatigiinneersut, Siumumeersut Naleqqameersullu siunnersuutip akuerineqarnissaa inassutigaat
- Ataatsimiititaliami ikinnerussuteqartut Demokratineersut ikinnerussuteqarlutik ima oqaaseqarput:

Naalakkersuisut akissutaat aammalu ataatsimiitsitaliamiit apeqqutinik nutaanik nassiussinissamut ikinnerussuteqarneq aallaavigalugit Demokratit siunnersuut itigartinneqarnissaanik attassipput. Kalaallit Nunaanni avinngarusimasuni nakorsassaaleqineq paasisaqarfiginerunissaanut Demokratiniit isumaqarpugut Naalakkersuisut akissutaat naammaginangitsuusut. Peqqinnissatigut sulisunik sulilersitsiniaaneq attassiinnarnissarlu ukiorpassuarni, ingammillu ukiuni makkunani, aaqqinniagassaq ajornaatsuinnaasimangilaq. Politikkikkut isumaqarpugut nalunaarusiami kissaatigineqartut Peqqinnissaq pillugu isumalioqatigiissitap paasisutissat tunniussassai assingamik imaqarumaartoq.

Kalaallit Nunaat tamakkerlugu sulilersitsiniaasarnermut attassiinnarniartarnermullu suliamut avitseqateqarsinnaaneqineriartortitsisinnaanerullu killeqarnera, sullivimmi avatangiisit, sunngiffimmi susasaqartitsinerup killeqarnera, ineqarnermut atugassarititat, minnerunngitsumillu meeqqanut inuusuttunullu meeqquerivinni atuarfimmilu atgassarititat, inooriaaserlu pingaarutilimmik sunniuteqartarpoq, avinngarusimasunilu attassiinnartarnerup ajornartorsiutaaneranut tunngasunik nalunaarusiat soorlu aamma oariartuutigineqareersoq. Skandinaviamilu assersuulluta nunatsinni akissarsiatigut unammillersinnaannginnerput aamma peqqutinut ilaalluni.

Taamaattumik isumaqarpugut misissuinissamut aningaasat atorneqartussat ilisimasat pigeriikkagut atorlugit suliniutit tigussaasunut atorneqarsinnaagaluartut. Oqallinneq una aammalu Naalakkersuisut akissutaannut malitseqartitsinermi ataatsimiitsitaliamiit Demokratiniillu allannguutissatut siunnersuuteqarnissamut siammasissumillu naaperiuteqarnissamut periarfissiisimangilaq, taamaattumillu itigartinneqarnissaanik innersuunneqarluni.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Hans Peter Poulsen

---

Siulittaasoq

Anna Wangenheim

---

Siulittaasup tullia

Eqaluk Høegh

---

Aslak W. Jensen

---

Mikivsuk Thomassen

---

Mala Høy Kúko

---

Emanuel Nûko

---